



Kommune Qeqertalimmi Aqutsinermut Ileqqoreqqusaq

Inatsisartut inatsisaat nr. 29 17. november 2027-meersoq § 1, imm. 2 naapertorlugu kommunit aqunneqarnerat, aalajangersarneqarpoq:

Kommunalbestyrelsi

§ 1. Kommunalbestyrelsi 15-inik ilaasortaartoq 1. januar 2018 aallarnerfigalugu, atuutilerpoq.

Imm. 2. Borgmesteri, borgmesterip tullia siulleq aamma borgmesterip tulliata aappaa kommunalbestyrelsip toqqassavai, taamaaliortoqartarporlu kommunip aqunneqarnera pillugu inatsisartut inatsisaat nr. 29 17. november 2017-meersumi § 6-imi allassimasut (tulliuttuni aqutsinermut inatsimmik taagorneqarpoq) aamma kommunini suliasaqaarfiit aqqissuuteq-qinneqarnerata allangortinneqarneranik inatsisartut inatsisaat nr. 30, 28. november 2016-imeersumi §§ 4 aamma 7-imi allassimasut naapertorlugit pissapput.

§ 2. Piareersarnermut, ataatsimiigiaqqusinermut kommunalbestyrelsillu ataatsimiisinneqarnerinut malittarisassat kommunalbestyrelsip suleriaasiani aamma aalajangersarneqarput, taamaaliortoqartarporlu aqutsinermut inatsimmi § 1 imm. 3 aamma kapitali 2 naapertorlugit.

§ 3. Borgmesterip kommunalbestyrelsip ataatsimiinnerani suliasaanut malittarisassartai suliariaatsimi aalajangersagaapput, taamaaliortoqassaarlu aqutsinermut inatsimmi kapitali 3-mi allassimasut naapertorlugit

Ataatsimiititalianik pilersitsineq aamma taakkua sulinerminni naliginnaasumik malittarisassaat il.il.

§ 4. Aqutsinermut inatsimmi § 24-imi allassimasut naapertorlugit Aningaassaqaqarnermik Ataatsimiititaliaq tanneqartoq INUA pilersinneqassaaq.

Imm. 2. *Imm. 2.* Ataatsimiititaliaq INUA-mi ilaasortaapput borgmesteri, aamma ataatsimiititaliami siulittaasuusoq kiisalu kommunalbestyrelsimi ilaasortat sisamat.

Imm. 3. Ataatsimiititaliaq INUA-ata ingerlatsinermut attuumassutillit suliarisarpai, aqutsinermut inatsimmi § 25-imiittut . Aammattaaq Ataatsimiititaliap Inuap makku suliarisarpai



- Akileraarutit akitsuutillu
- Inuit oqartussaataanerit
- Sullissivik / Borgerservice
- Aningaasaqarnikkut aamma sulisoqarnikkut pissutsit
- Nunaqarfinnik isumaqatigiissuteqarluni aqutsineq
- Illuutiniq najugaqarfiusunik imaluunniit isatigassanik pisortorneq, tuniniaaneq aamma qularnaveeqqusiineq, kiisalu illuutiniq attartornerit
- Kommunip sillimmasersuinikkut inissisimanera
- Pisinniarnermi- aamma isumaqatigiissuteqarnermi politikki, matumani ataqatigiissaarineq taakkulu aqqiissuusaaneri ilanngullugit
- Kommunip toqqorsivia
- Kommunip suliffeqarfiutaanik piginnittut soqutigisaqarneq
- Qarasaasiaqarneq

Imm. 4. Ataatsimiititaliaq kommunalbestyrelsimut siunnersuusiortarpoq aamma inassuteqaasiortarpoq ukununnga attuumassuteqartunik:

- Missingersuutissatut siunnersuutit aamma kommunip naatsorsuutaannik saqqummiinerit
- Karsimut naatsorsuutitut malittarisassat
- Ataatsimiititaliaq ataavartut suleqatigalugit kukkunersuisut nalunaarutaasa kommunalbestyrelsimut akissuteqaatissaannik siunnersuusiortarpoq,

Imm. 5. Suliaq sunaluunniit, kommunip aningaasaqarneranut, allaffissorneranut pilersaarusiorneranulluunniit attuumassuteqartoq aamma ataqatigiissaarinerimut attuumassuteqartoq kommunalbestyrelsimut saqqummiunneqartigani Ataatsimiititaliaq INUA-mut saqqummiunneqaqqaartartussaavoq.

Imm. 6. Ataatsimiititaliaq kommunip pilersaarusiornerani aamma aningaasaqarneq pillugu suliaannik ataqatigiissaarissaaq ataatsimoortumillu aqqiissummik nassaassalluni.

Imm. 7. Ataatsimiititaliaq ukununnga malittarisassiussaaq:

- Missingersuutiniq aningaasaliissuteqartarnermullu nakkutiginninnerit, allaffissornermik suliallit nalunaarusiortarneri ilanngullugit
- Inuit ataasiakkaat pillugit suliaqartassaaq
- Kommunip naleqartitaannik qulakkeerinninneq
- Inuit ataasiakkaat pillugit paasissutissat

Ataatsimiititaliaq ataavartut.

§ 5 Ataatsimiititaliaq ataavartut makkua pilersinneqassapput:

- 1) Ataatsimiititaliaq **INOQARFIK**, tallimanik ilaasortalik.
- 2) Ataatsimiititaliaq **TIMI TARNILU**, tallimanik ilaasortalik
- 3) Ataatsimiititaliaq **INUIT**, tallimanik ilaasortalik.



Imm. 2. Ataatsimiititaliat siulittaasussartik namminneq toqqassavaat, taamaaliortoqassaarlu aqutsinermut inatsimmi § 27-imi allassimasut naapertorlugit.

Imm. 3. Ataatsimiititaliat suleriaasissartik namminneq aalajangersassavaat.

Imm. 4. Ataatsimiititaliap ataatsimiinnerini tamani aalajangiineq pillugu imaqarniliortoqartassaaq imaqarniliarlu ataatsimiinnerup naanerani ilaasortanit atsiorneqartassalluni. Ilaasortap isummaminut imaqarniliami allassimasunit nikingasoqarasoringaangamiuk isummani imaqarniliamut allaqqusinnaavaa aamma suliat oqartussaqaarfimmut allamut nassiunneqarnissaannik ataatsimiititaliaq piumasqaateqarsimagaangat imaqarniliami tamanna nalunaarsorneqartassaaq.

Imm. 5. Kommunalbestyrelsip ukiumut aningaasanut missingersuutissamisut akuerisassai naapertorlugit ataatsimiititaliat suliassatik aqussavaat. Aningaasaliissutissatut akuerineqartut atuinnermit nikingassuteqannginnissaat nakkutigissavaat aamma aningaasaliisoqarnissaannik kissaateqarunik imaluunniit pisariaqartitsigunik aningaasaqarnermut ataatsimiititaliaq aqutugalugu kommunalbestyrelsimut inassuteqaasiortassapput.

Imm. 6. Ataatsimiititaliamut allamut attuumassutilimmik pingaarutilimmillu suliassaqaartillugu ataatsimiititaliap suliassamik aallartitsinnginnermini ataatsimiititaliaq alla suliamut attuumassuteqartoq isumaqatigiinniarfigeqqaassavaa, pisariaqartitsisoqartillugulu borgmesteri suliamut akuliutsinneqartassaaq, taamaaliortoqartassaarlu aqutsinermut inatsimmi § 29-imi allassimasut naapertorlugit.

§ 6. Ataatsimiititaliaq **Inoqarfik** makkuninnga aqutaralugillu suliassaqaassaaq::

Ataatsimiititaliaq Inoqarfik

- Inuussutissarsiutit aamma aatsitassat
- Aalisarnej aamma piniarnej
- Teknikki, Avatangiisit aamma Nunaminertalerineq
- Pinngortitaq Avatangiisillu
- Attavilersuutitigut aqqissuussaaneq
- Pilersuineq
- Upalungaarsimaneq
- Kommunip illuutai aamma illuutinik ingerlatsineq

Imm. 2 Ataatsimiititaliap ataatsimiititaliaq INUA suleqatigalugu siunnersuusiortassaaq aamma kommunalbestyrelsimut inassuteqaasiortassaaq uku pineqartillugit:

- Kommunip ileqqoreqqusaatai pilersuinnermut akit
- Kommunip sanaartukkanut immikkoortortat pillugit pilersaarutaatai
- Inissiat amerlineqarnissaannik pilersaarutit
- Inissiat nalinginnaasumik attartorneqarsinnaasut assigiinngitsut pilersaarusiorneqarneri

Imm. 2. Ataatsimiititaliaq ataatsimiititaliaq INUA-mut siunnersuusiortassaaq aamma



inassuteqaasiortassaaq makku pineqartillugit:

- Tunngaviusumik pilersaarusiorneq aamma aningaasaqarnermut ataatsimiititaliap suliakkiutigisimasaanut illoqarfimmut/ immikkoortortanut pilersaarusiornert.
- Asiariartarfiit pilersaarusiordfigineqarlutik siunnersuusiordfigineqarneri – naalaakkersuisut akuersissuteqarnissaat anguniarlugu.
- Nuna tamakkerlugu pilersaarusiornermi kommunip peqataatinneqarnera

Imm. 3. Ataatsimiititaliaq ukunannga piginnaatitaaffeqarpoq:

- Nunaminertat kommunip pilersaarutaata tapijanik allannguinissamik pisariaqartitsinngitsut (immikkoortortamut kiisalu asiariartarfimmut pilersaarummik) qaqugukkut nutaanik pilersaarusiortoqarnissaanik aalajangiineq
- Immikkoortortamut pilersaarutit akuerineqarallarnikut inaarutaasumik akuersissuteqartarneq aamma atulersitsigallarnermik akuersissuteqartarneq aamma
- Kommunip pilersaarutaata tapijatut akuerineqarallarsimasup inaarutaasumik akuersissuteqartarneq tusarniaanerup nalaani pilersaarutinik allannguisinnaasunik pingaarnertullu aaqqissuussamik allannguisinnaasunik oqaaseqaateqartoqarsimatinnagu aamma naammagittaallioortoqarsimatinnagu naalakkersuisunit akuerineqarnissaa anguniarlugu taamatut suliaqartoqartassaaq.

§ 7. Ataatsimiititaliaq **Timi Tarnilu** makkuninnga aqutaralugillu suliassaqaassaaq:

- Sunngiffik
- Kulturi
- Timersorneq
- Katersugaasiveqarneq
- Atuakkanik atorniartarfiit
- Katersortarfiit
- Pinnguartarfiit
- Suliffeqarneq aamma Majoriaq
- Isumaginninnikkut pinaveersaartitsineq, ; matumani Qaammaavik, ilaqutariit illui aamma MISI ilanngullugit

Imm. 2. Ataatsimiititaliaq kommunalbestyrelsimut siunnersuusiortassaaq inassuteqaasiortassallunilu makku pineqartillugit:

- Kommunip kulturimut politikkaa, timersornermut politikkaa
- Peqatigiiffinnut timersornernullu tapissuteqartarnerit malittarisassiorneqarneri

§ 8. Ataatsimiititaliaq **Inuit** makkuninnga aqutaralugillu suliassaqaassaaq:

Ineriartorneq aamma ilinniartitaaneq

- Meeqqat suli atualinngitsut



- Atuarfik
- Isumaginninneq
 - Meeqqat
 - Innarluutillit
 - Pinngitsuuisinnaajunnaartunik katsorsaaneq
 - Ikiorssiissutit
 - Utoqqaat
 - Innarluutillit
 - Isumaginninnermi oqartussatut suliassat

Stk. 2. Ataatsimiititaliap Ataatsimiititaliaq INUA suleqatigalugu isumaginninnermut periusissanik malittarisassanillu kommunalbestyrelsimut inassuteqaasiortassallunilu siunnersuusiortassaaq kiisalu qulaani allassimasut iluini ineriartuutaasinnaasunik suliaqartarlunilu misissuisassaaq.

Nunaqarfinni aqutsisut

§ 9. Ataatsimoorussamik nunaqarfinnik aqutsisuni ikinnerpaamik ilaasortat pingasut amerlanerpaamillu tallimat toqarneqassapput. Nunaqarfinni aqutsisut tassaapput

- 1) Iginniarfik, Attu ilaasortat pingasut
- 2) Ikerasaarsuk, Niaqornaarsuk, Kangerluk ilaasortat tallimat
- 3) Kitsissuarsuit, Akunnaaq, Ikamiut ilaasortat tallimat
- 4) *Imm. 2.* Nunaqarfinnik aqutsisut siulittaasussaminnik namminneq toqqaassapput, taamaaliortoqartassaarlu aqutsinnermut inatsimmi § 51-imi allassimasut naapertorlugit.
- 5) *Imm. 3.* Kommunalbestyrelsip kommunimi nunaqarfiit suleriaasissaat aalajangersartarpaa, nunaqarfiit ataasiakkaat tusarniaaffigereerlugit.

§ 10. Nunaqarfinnik aqutsisut piareersartarneri, ataatsimiigiaqqusisarneri ataatsimiittanerilu pillugit malittarisassat, nunaqarfinnik aqutsisuni siulittaasup suliassai ilanngullugit, nunaqarfinnik aqutsisut suleriaasianni aalajangersarneqarput, aqutsinnermut inatsimmi §§ 51-miit 54-mut allassimasut takukkit.

§ 11. Aqutsinnermut ileqqoreqqusami ilanngussatut ikkunneqarsimasumi kommunalbestyrelsip aalajangersagaani ersippoq, nunaqarfinni aqutsisuni ataasiakkaani aallartitassat qanoq toqqartorneqartassanersut. (Isumaqatigiissuteqarluni aqutsineq atorlugu ingerlatsineq).

Imm. 2. Kommunalbestyrelsip missingersuutitut akuerisaasa iluini aningaasaliissutaasut aqunneqartassapput aamma kommunalbestyrelsip malittarisassatut akuerisai naapertorlugit ingerlatsisoqartassalluni.



§ 12. Kommunalbestyrelsip nunaqarfinnik aqutsisut suliaqarfinnik ingerlatsinerit nakkutigissavai.

Ileqqoreqqusap allannguutai.

§ 13, Una ileqqoreqqusaq ulloq 28. februar 2023 atuutilerpoq.

§ 14. Ileqqoreqqusami uani allannguutissatut siunnersuutit aamma ileqqoreqqusap ilassutissartai kommunalbestyrelsi marloriarluni ataatsimiinnerini suliarineqartassapput sivikinnerpaamik ullunik 14-inik akunneqarlutik, aqutsinermut inatsimmi § 1 imm. 2 takuuk aamma allannguutissatut ilassutissatullu akuerineqartut naalakkersuisunut nassiunneqartassapput, aqutsinermut inatsimmi § 1 imm. 4 takuuk.

Kommunalbestyrelsip ataatsimiinnerani ulloq 13. Februar 2023 aamma 28. Februar 2023 taamaalilluni akuerineqarpoq.

Ane Hansen

Borgmesteri

Kommune Qeqertalik

Nivi Strunz

Pisortaaneq

Kommune Qeqertalik